

نسخه سی ۱۰ غروشد

صاحبی، مدیری، محرری



اسلامك نفعنه خادم مقالات
مع الت شكر قبول ونشر اولونور

يازانك شخصيتي دكل، يازينك اهميتي
نظردقته آلتير .

كلن يازيلردن شاين قبول كورولنلر
تامرل صيراسيله درج ايديلير .



دینی، علمی، ادبی، اجتماعی و شمع بلك
شهری مجموعه در

۱۳۴۱ شواله مخصوص نسخه

عدد : ۳۶

اداره خانه سی : آق سرايده
ملا كورانى محله سنده مهتر
سوقا غنده ۳ نومرولو خانه

مرکز توزیعی :

باب عالی جاده سنده (اتحاد
تجارت) كتيخانه سی

آبونه بدلی :

سنه لكی ۱۰۰ غروش

آلتی آلتی ۵۰

جلد : ۳

مهمربات:

مخمل دینی و علمی : بايرام تبريكي و افاده مخصوصه - طاهر المولوى . جمعه غسلى ، جمعه نمازينه
ايركن كيتمك ، جمعه وقتى آليش و يریشك تعطيل ، وظيفه و جمعه نمازى - طاهر المولوى . علم اساطير -
طاهر المولوى . عالم اسلام و عرقلر مسئله سی - سعدى بك .

مخمل ادبی : توحيد و تمجيد بارى - محمد صادق افندى . نعت شريف - توقادى زاده شكيب بك .
رباعى - شيخ عبدالباقى افندى . غزل - محي الدين رائف بك . آفاقك تنورى و انفسك تحسرى - طاهر المولوى .

مخمل تاريخی : جعفر بن ابى طالب - طاهر المولوى . شيخ عثمان شمس افندى حقهنده - حسين و صاف بك .
اسعد دده مرحومه دائر بعض خاطرات - طاهر المولوى .

جمعه غسلی

نبی حکیم علیہ الصلوٰۃ والتسلیم اقدیمز، مسلمانلرک
جمعه کونی - صواقضا ایتمش اولسون ، اولماسین -
بیقانمالرینی امر ایدهر و « اذا اراد احدکم ان یأتی
الجمعة فلیغتسل - مسلم » یعنی « جمعه نمازینه کلک
ایسته ینلریکنز غسل ایقسن » دیردی .

صحیح مسلمده ابوهریره رضی الله عنه دن
روایت ایدیلورکه :

« حضرت عمر برجمعه کونی خطبه اوقورکن
جناب عثمان مسجد شریفه کیردی . مشارالیهک
کیکمش اولماسنه تعریضاً خلیفه حضرتلری ، بر
طاق کیمسه لر ندایی ایشیتدکن صوکرانه دن کچ
قالورلر ؟ دیدی . حضرت عثمان : یا امیرالمؤمنین !
ندایی ایشیدیر ایشیتمز آبدست آلم ، کلم .
جوانی ورنجه فاروق اعظم : برده آبدست ها !
رسول اکرم صلی الله علیه وسلمک « اذا جاء احدکم
الی الجمعة فلیغتسل » بویوردیغنی دویمادیکنزمی ؟
دیدی . »

ینه مسلم شریفده حضرت عائشه رضی الله عنها
وعن ابیہادن نقل اولونویورکه :

« عوالی جهتلرنده اوطورانلر ، جمعه نمازینه
مناوبه کیلرلردی . بونلر ، عبا کیندکلری جهته
صیجاقدن وجودلری ترلر ، اوزرلرینه توز ،
طوپراق بولاشیر . بناءً علیه اوستلری ، باشلری
قوقاردی . بونلردن بری ، رسول اکرم صلی الله
علیه وسلمی کورمک ایچین بزم حجره یه کلدی و طرف
رسالتدن « لوانکم تطهرتم لیومکم هذا » یعنی
« شو کونکمزده تمیزله نمش اولسه یدیکز » خطابنه
اوغرادی .

کذا صحیح مسلمده جناب عائشه دن نقلاً
ده نیلیورکه :

« ناسک اکثری ایش ، کوچ صاحبی اولدینی
کبی ایشلرینی کوردوره جک آداملری ده یوقدی .
چالیشیق طولایسیله اوستلری باشلری قوقاردی .
بوندن طولایی کندیلرینه « لوانغتسلتم یوم الجمعة »
یعنی « جمعه کونی بیقانسه کز » بویورولدی .

کذا علیہ الصلوٰۃ والسلام اقدیمز ، علی الاکثر
جمعه کونلرنده « یامعشر المسلمین ان هذا یوم
جعلہ الله عیداً فاعتسلوا ومن کان عنده طیب فلا
یضره ان یمس منه وعلیکم بالسواک - کشف الغمه »
یعنی « ای مسلمانلر ! شو کونی الله ، اسلامه بایرام
قیلمشدر . بناءً علیه او کون اغتسال ایدیکز . هرکیمک
تزدنده کوزل قوقولر وارسه اوندن سورونمک
کندیسنه ضرر ویرمز . برده مسواک قوللانمایه
مداومت ایله یکنز » دیردی .

* *

اوموزلرندن آتلاق صورتیله

جماعتک لزجاجی :

بعضی صوفیلر واردرکه کچ قالدقلری حالده
جامعه اوک صفه کچمک ایچین اوموزلرینه باصمق
و چامورلو قوندوره لرینک صوینی اوستلرینه ،
باشلرینه آقیمق صورتیله جماعتی ازجاج ایدهلر .
نبی حکیم علیہ الصلوٰۃ والتسلیم اقدیمز حضرتلری ،
بوکی حرکتلرده بولونمایی ده نهی ایله مش و « من
تخطی رقاب الناس یوم الجمعة اتخذ جسراً الی جهنم »
یعنی « ناسک بویونلرینه باصهرق ایلرله مک ایسته ین ،
جهنمه کوپرو قودمش کبی اولور » بویورمشدی .
کذا خطبه اثناسنده برینک بویله یایدیغنی کورورسه
« اجلس فقد آذیت » یعنی « اوطور ، جماعتی ازجاج
ایتدک » دیردی . مابعدی وار

طاهر المولوی